



**EUSKAL AUTONOMIA ERKIDEGOKO ADMINISTRAZIO OROKORRAREN
ETA ARABAKO FORU ALDUNDIAREN ARTEKO LANKIDETZA
HITZARMENA BERRESTEKO FORU ARAUAREN PROIEKTUA,
ZIRKULAZIOAREN ETA IKUSKAPENAREN, ERREPIDEEN ETA BIDE
INFORMAZIOAREN TRUKEAREN ARLOAN, BIDE SEGURASUNA
HOBETZEKO.**

Eusko Jaurlaritzaren Segurtasun Sailari dagozkio Euskal Autonomia Erkidegoko komunikazio bideetako zirkulazioaren eta bide segurtasunaren inguruko eskumenak, bat etorritik Euskal Autonomia Erkidegoko Administrazioaren sailak sortu, ezabatu eta aldatzen dituen eta horien egitekoak eta jardun arloak finkatzen dituen Lehendakariaren irailaren 6ko 18/2020 Dekretuak 5.1 e) artikuluan ezarritakoarekin.

Egiteko horien artean dago zirkulazioa eta bide segurtasuna zaintzeko, arautzeko, kudeatzeko eta kontrolatzeko neurriak hartzea, eta egitekoak Trafiko Zuzendaritzaren bidez betetzen dira, bat etorritik Segurtasun Sailaren egitura organikoari eta funtzionalari buruzko urtarrilaren 19ko 6/2021 Dekretuak 17. artikuluan ezarritakoarekin.

Lurralde historikoetako foru organoei dagokie errepideak planifikatzea, proiektatzea, eraikitzea, kontserbatzea, aldatzea, finantzatzea, erabiltzea eta ustiatzea, bat etorritik Autonomia Erkidegoko erakunde erkideen eta lurralde historikoetako foru erakundeen arteko harremani buruzko azaroaren 25eko 27/1983 Legeak 7 a) artikuluan 8. apartatuan ezarritakoarekin; halaber, errepideak zirkulaziorako segurtasun baldintzarik onenetan mantentzea dagokie, bai eta haietan bide seinale eta marka egokiak instalatzea eta horiek zaintzea ere, bat etorritik azaroaren 21eko 1428/2003 Errege Dekretuak onetsitako Zirkulazio Araudi Orokorak 139. artikuluan ezarritakoarekin.

Arabako Lurralde Historikoan, Arabako Foru Aldundiaren eskumen dira errepideak planifikatzea, proiektatzea, eraikitzea, zaintzea, aldatzea, erabiltzea eta ustiatzea, eta hori Bide Azpiegituren eta Mugikortasunaren Sailaren bidez egiten du, bat etorritik sailaren egitura organikoa eta funtzionala onesten dituen Diputatuen Kontseiluaren urriaren 22ko 47/2019 Foru Dekretuak ezarritakoarekin.

Bi aldeek, dagozkien egitekoen eremuan, lankidetzak hitzarmenak izenpetu zituzten 2005eko azaroaren 22an eta 2017ko martxoaren 16an, zirkulazioaren eta errepideen arloan.

Lehenengo hitzarmena agortu egin zen, batetik, klausularen bat bete zelako, eta, bestetik, aurreikuspen batzuk zaharkituta geratu zirelako, azken urteetako aurrerapen eta hobekuntza teknologikoengatik. Horren guztiaren ondorioz, bigarren hitzarmena sinatu zen, baina indarra galdu du alde bakoitzak bere eginkizunak kudeatzeko dituen behar berriei erantzuteko.



Bat etorritz, batetik, Euskal Autonomia Erkidegoan Hiriarteko Trafikoa Kudeatzeko Sistema arautzen duen eta, bestetik, Euskadiko Trafikoa Kudeatzeko Zentroa sortzen duen maiatzaren 22ko 87/2001 Dekretuak 7. artikuluan ezarritakoarekin, Eusko Jaurlaritzako Trafiko Zuzendaritzak eta errepideen arloan eskumenak dituzten administrazioek elkarlanean jardungo dute, bakoitza bere eskumenez baliatuaz, eta honako helburu hauekin:

- a) Bakoitzak dituen eskumenak gauzatzeko garrantzizko informazioa trukatzea.
- b) Bakoitzak dituen eskumenak gauzatzeko elkarri laguntza ematea.
- c) Erakunde bakoitzaren jarduketa plan eta proiektuen gaineko informazio ematea, bai eta bakoitzak dituen eskumenak gauzatzeko interes komuneko beste edozein jarduketaren gainekoa ere.

Horiek kontuan hartuta, aldean ustetan, bi administrazioen arteko lankidetzaren bideak egituratu behar dira, bakoitzari dagozkion eginkizunak gauzatzeko eraginkortasuna hobetzeko, horrek zuzenean eragiten baitio bide segurtasunari. Hori dela eta, lankidetzaren hitzarmen berria izenpetu behar da, aurreko hitzarmenaren ildotara jarraituko diona zirkulazioaren eta errepideen arloko konpromisoei eta betebeharrei dagokienez, bai eta premia eta konpromiso berriak zehazteko ere.

Horiek horrela, lankidetzaren hitzarmenaren izenpetu beharra dago, klausuletan ezarritakoaren arabera, aldeek beren gain hartutako konpromisoak bete ditzaten, hitzarmeneko xedeak gauzatzeko.

Foru Gobernu Kontseiluak onetsi du lankidetzaren hitzarmenaren izenpetzea, bat etorritz Arabako Foru Aldundiaren antolaketa, funtzionamendu eta araubide juridikoari buruzko abenduaren 18ko 52/1992 Foru Arauak 8.7. artikuluan ezarritakoarekin, eta, bat etorritz aipatutako araudiaren 6.1.2. artikuluan ezarritakoarekin, beharrezkoa da Arabako Batzar Nagusiek erabaki hori berrestea.

Xedapen orokorrak egiteko prozedura, arau eraginari eta genero eraginari buruzko txostenak egiteko gidak eta araugintza teknikei buruzko jarraibideak onesten dituen Foru Gobernu Kontseiluaren maiatzaren 23ko 29/2017 Foru Dekretuko I. eranskineko 9. artikuluan xedatutakoari jarraituz egin da izapidetzea.

ARTIKULU BAKARRA

Berretsi egiten da Euskal Autonomia Erkidegoko Administrazio Orokorraren eta Arabako Foru Aldundiaren arteko lankidetzaren hitzarmenaren, trafikorearen eta ikuskapenaren, errepideen eta bide informazioaren trukearen arloan, bide segurtasuna hobetzeko.